



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 7. Duo viri fulminibus liberantur. Duæ seminæ steriles sæcundantur.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

*Duo viri à fulminibus liberantur. Due item
feminæ steriles fecundantur.*

Cap. VII.

*Ann. Laur.
Rier.*

HAUD præsentior aduersus fluctus, quam aduersus fulmina tutela exstithit B. Mariæ Lauretanæ. Antonius à Sancto Stephano castello Lucensis ditionis, atroci procella ingruente, turrim ascenderat, campanum æs de more pulsatus. Ecce tibi fulmen è cœlo ruens turrim enm Antonio dejicit, qui fulmine afflatus, ruinaque oppressus, quatuor horas iacuit exanimis, obrutusque ingenti cumulo saxorum. Plura eodem tempore pro Antonij salute vota à propinquis Lauretanæ Virgini facta, quæ haud irrita ceciderunt. Remoto lapidum aceruo, Antonius viuus, valensque inuentus est. Qui breui receptis viribus, Lauretum venit anno .M.D.LXV. Deiparæ vota reddit, expertam eius opem impensis prædicans. Huic aliud simile eodem fere tempore. Marcus Antonius Ficinus à Monte Feltrio Carpenianæ Parœciæ Sacerdos turri consensa, ære campano sacrificij signum dabat. Cæterum subito ictus fulmine Lauretanam inclamat Virginem. Ergo afflatis dumtaxat humeris, vestituque ambusto, ipse haud dubia B. Mariæ ope saluus euadit. Propere igitur Lauretum accurrit, vota Deiparæ reddit, votiuam tabellâ nobilem, miraculi ad posteros testem relinquit. Nec minus abolita clarissimis feminis sterilitas Lauretanam Virginem eadem tempestate nobilitauit. Iulia Roburea Alfonsi Estensis Ferrariæ Ducis vxor complures in matrimonio annos cum viro transegerat prolis expers. Ad ultimum damnatis medicorum remedijs, ad diuinum se convertit auxilium. Itaque Lauretum venit, animoque rite expiato, Virginem implorat, stirpem virilem exposcens. Addit precibus votum, si filioli compos fiat, se ad Lauretanam

tanam Aedem cum muneribus reddituram , aut si quis casus obstat , pios viros suo loco cum donis esse missuram . Concepto voto domum reuersa prolem concipit ; feliciter enixa partu pulcherrimum edit infantem . Protinus voti memor infantis effigiem egregie pictam in argentea lamine pondo librarum octo : donum Virgini misit , & additus dono titulus accepti beneficij testis .

ALPHONSVS ESTENSIS ALPHONSI F.
ALPHONSI DVCIS FERRARIENSIS N.

ORTVS IDIB. NOVEMB. A. MDL.X.

Huius miraculi fidem aliud consimile adfirmauit . Bernardinus Sanseuerinus Bisiniani Princeps huius , qui nunc est , pater plurimis iam annis cum coniuge exactis , nullos ex ea liberos generat . Igitur medicorum , medicamentorumque spe diu frustratus mōrebat non modo expers , sed etiam expes prolixi , quam relinqueret tantæ ditionis hæredem . Ad ultimum , quod natura negabat , sibi à Deo , Deiparaque precibus exposcendum ratus est . Voto nuncupato , Lauretum cum vxore contendit . B. Mariam ambo enixe orant , optatam sobolem exposcunt . Nec diu B. Virgo eorum spem morata est . Enimuero priusquam Laureto discederet Princeps , vxorem uterum ferre certis indicijs comperit . Ac breui constitit , eodem illam tempore , quo votum domi conceperat , optatam sobolem concepisse . Cæterum nescio quo casu id beneficium breue , ac fugax fuit . Princeps paucis annis , quam pater factus erat unico orbatur filiolo . Nec tamen B. Virgo eius fecellit spem , votumque . Haud ita multo post alium genuit filium , qui patri superstes , nunc Bisiniani obtinet Principatum .

Multis